

**ხელშეკრულება მომსახურების შესყიდვის შესახებ №**

60-4-219-5609

20.12.2019 წ.

ქ. თბილისი

**1. მხარეები**

წინამდებარე ხელშეკრულება დადებულია 2019 წლის 20.12, ერთი მხრივ სს „საქართველოს სახელმწიფო ელექტროსისტემა“-სა, წარმოდგენილი მისი მმართველთა საბჭოს წევრის დავით ვარდიაშვილის (მინდობილობა №181378706) სახით (შემდგომში – „შემსყიდველი“) და მეორე მხრივ შპს „გაგუ“-ს შორის, წარმოდგენილი მისი დირექტორის ირაკლი გაგუას სახით (შემდგომში – „მიმწოდებელი“), რომლებიც მოქმედებენ საზოგადოების წესდებისა და მოქმედი კანონმდებლობის საფუძველზე.

**2. ხელშეკრულების საგანი**

- 2.1. „მიმწოდებელი“ ვალდებულია გაუწიოს „შემსყიდველს“ სატესტო მოწყობილობის, „Megger“-ის ფირმის SMRT მოდელის დამოწმება-დაკალიბრების მომსახურება (CPV-50400000; CPV-50410000) წინამდებარე ხელშეკრულების, დანართი №1-ის (ფასების ცხრილი) და დანართი №2-ის (ტექნიკური დავალება) შესაბამისად;
- 2.2. დანართი №1 და დანართი №2 წარმოადგენს წინამდებარე ხელშეკრულების განუყოფელ ნაწილს;
- 2.3. წინამდებარე ხელშეკრულება დაიდო საქართველოს მთავრობის 2019 წლის 15 ივლისის №330 დადგენილებით დამტკიცებული „სს „საქართველოს სახელმწიფო ელექტროსისტემის“ მიერ საქონლისა და მომსახურების შესყიდვის სპეციალური წესის“ მე-5 მუხლის მე-2 პუნქტის „ა“ ქვეპუნქტის და 12.12.2019 წლის სსე-ს მმართველთა საბჭოს სხდომის №47 ოქმის შესაბამისად.

**3. მომსახურების ღირებულება და ანგარიშსწორების პირობები**

- 3.1 მომსახურების საერთო ღირებულება განსაზღვრულია წინამდებარე ხელშეკრულების დანართი №1-ის (ფასების ცხრილი) შესაბამისად და შეადგენს 14 329,92 (თოთხმეტი ათას სამას ოცდაცხრა ლარი და 92 თეთრი) ლარს დღგ-ს ჩათვლით (შემდგომში – „ხელშეკრულების ღირებულება“), ყველა ხარჯის გათვალისწინებით;
- 3.2 ანგარიშსწორება განხორციელდება ერთ ეტაპად, გაწეულ მომსახურებაზე საბოლოო მიღება-ჩაბარების აქტის გაფორმებისა და ანაზღაურებისათვის სათანადო დოკუმენტაციის (საგადასახადო ანგარიშ-ფაქტურის) წარმოდგენის შემდეგ არაუგვიანეს 8 (რვა) სამუშაო დღის განმავლობაში;
- 3.3 ანგარიშსწორება განხორციელდება ლარში, უნაღდო ანგარიშსწორების ფორმით.

**4. მხარეთა უფლება-მოვალეობები**

- 4.1 „მიმწოდებელი“ ვალდებულია:
  - 4.1.1. გაუწიოს „შემსყიდველს“ წინამდებარე ხელშეკრულებით განსაზღვრული მომსახურება ხელშეკრულებისა და მისი დანართ(ებ)ით განსაზღვრული პირობების შესაბამისად;
  - 4.1.2. ხელშეკრულებით გათვალისწინებული მომსახურება განხორციელოს ხარისხიანად და არსებული სტანდარტების შესაბამისად;
  - 4.1.3. დაკალიბრების დასრულების შემდეგ წარმოადგინოს სადეფექტო აქტი და დეტალური ანგარიში შესრულებული სამუშაოს შესახებ. აგრეთვე, დაკალიბრების სერთიფიკატი. „მიმწოდებელი“ პასუხისმგებელია სერთიფიკატით გათვალისწინებული მონაცემების სისწორეზე.
- 4.2 „შემსყიდველი“ ვალდებულია:
  - 4.2.1. ხელშეკრულებით გათვალისწინებული პირობების თანახმად აუნაზღაუროს „მიმწოდებელს“ გაწეული მომსახურების ღირებულება;
  - 4.2.2. შეამოწმოს გაწეული მომსახურების ხარისხი;
  - 4.2.3. წერილობით შეატყობინოს „მიმწოდებელს“ უხარისხოდ გაწეული მომსახურების შესახებ.
- 4.3 „შემსყიდველი“ უფლებამოსილია „მიმწოდებლისაგან“ მოითხოვოს სრული ინფორმაცია გასაწევი მომსახურების მიმდინარეობის შესახებ;

**5. მომსახურების გაწევის ვადა და ადგილი**

- 5.1 „მიმწოდებელმა“ მომსახურების გაწევა (ტრანსპორტირების ჩათვლით) უნდა უზრუნველყოს ხელშეკრულების გაფორმებიდან არაუგვიანეს 60 (სამოცი) კალენდარული დღის განმავლობაში;
- 5.2 დაკალიბრება უნდა განხორციელდეს კომპანია „Megger“-ის ავტორიზებულ სერვისცენტრსი;
- 5.3 მოწყობილობის ტრანსპორტირება შემსყიდველის ტერიტორიიდან და მისი უკან დაბრუნება არის მიმწოდებლის ვალდებულება. შემსყიდველის ტერიტორია: საქართველო, ქ. თბილისი, 0105, ბარათაშვილის ქ. N2.

## 6. გარანტია

- 6.1 „მიმწოდებლის“ მიერ გაწეულ მომსახურებაზე საგარანტიო ვადა არის მიღება-ჩაბარების აქტის გაფორმებიდან 12 (თორმეტი) თვე;
- 6.2 საგარანტიო პირობებით განსაზღვრული მოთხოვნები, ძალაშია მთელი საგარანტიო ვადის განმავლობაში, მიუხედავად ხელშეკრულების მოქმედების ვადის ამოწურვისა;
- 6.3 საგარანტიო ვადის განმავლობაში გამოვლენილი რაიმე ხარვეზის ან შეუსაბამობის შემთხვევაში, მიმწოდებელი ვალდებულია საკუთარი ხარჯებით უზრუნველყოს გაწეულ მომსახურებაზე გამოვლენილი ნაკლის/ხარვეზის აღმოფხვრა შემსყიდველის მიერ განსაზღვრულ გონივრულ ვადაში, მაგრამ წერილობითი შეტყობინების მიღებიდან არაუმეტეს 60 (სამოცი) კალენდარული დღის განმავლობაში, შემსყიდველის მხრიდან დამატებითი დანახარჯების გაწევის გარეშე;
- 6.4 მომსახურებაზე გამოვლენილი ხარვეზის / გაუმართაობის შემთხვევაში საქონლის ტრანსპორტირება უნდა უზრუნველყოს მიმწოდებელმა.

## 7. ხელშეკრულების შესრულების კონტროლი

- 7.1 „შემსყიდველს“ ან მის წარმომადგენელს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი „მიმწოდებლის“ მიერ ნაკისრი ვალდებულებების შესრულებაზე;
- 7.2 „მიმწოდებელი“ ვალდებულია საკუთარი ხარჯებით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა;
- 7.3 „შემსყიდველის“ მხრიდან ხელშეკრულების შესრულებაზე კონტროლს ახორციელებს სს „საქართველოს სახელმწიფო ელექტროსისტემის“ რელეური დაცვის და ავტომატიკის სამსახურის უფროსი მიხეილ სართანია, რელეური დაცვის და ავტომატიკის სამსახურის უფროსის მოადგილე დავით რუსიშვილი და ავტომატიკის განვითარების პროექტების ხელმძღვანელი ვლადიმერ ყორღანაშვილი;
- 7.4 კონტროლი განხორციელდება გაწეული მომსახურების ხარისხისა და მიწოდების ვადების შესაბამისობით ხელშეკრულების პირობებთან.

## 8. შესყიდვის ობიექტის მიღება-ჩაბარების წესი

- 8.1 მიღება-ჩაბარების აქტები ფორმდება ფაქტობრივად გაწეული მომსახურების მიხედვით;
- 8.2 მიღება-ჩაბარების აქტზე ხელმოწერ პირად განისაზღვროს მმართველთა საბჭოს წევრი - გიორგი ამუზაშვილი;
- 8.3 მომსახურების გაწევისას და მომსახურების გაწევის შემდგომ, „შემსყიდველის“ მიერ წინამდებარე ხელშეკრულების მე-7 მუხლის 7.3 პუნქტით განსაზღვრული პირები ამოწმებენ გაწეული მომსახურების შესაბამისობას წინამდებარე ხელშეკრულების პირობებთან. ხარვეზების (წუნდების) არ არსებობის შემთხვევაში, „შემსყიდველსა“ და „მიმწოდებელს“ შორის ფორმდება მიღება-ჩაბარების აქტი ფაქტობრივად გაწეული მომსახურების მიხედვით;
- 8.4 გაწეული მომსახურება მიღებულად ჩაითვლება მხარეთა შორის მიღება-ჩაბარების აქტის გაფორმებისთანავე.

## 9. მხარეთა პასუხისმგებლობა

- 9.1 „მიმწოდებლის“ მიზეზით მომსახურების დაგვიანებით, არასრულად, ხარვეზით ან საერთოდ არ გაწევის შემთხვევაში, „მიმწოდებელი“ მოვალეა გადაიხადოს პირგასამტეხლო გაუწვევლი მომსახურების ღირებულების 0,1%-ის ოდენობით, ყოველ ვადა გადაცილებულ დღეზე, მომსახურების ჯეროვნად და სრულად გაწევამდე ან ხელშეკრულების შეწყვეტის დღემდე, რომელი ვადაც უფრო ადრე დადგება;
- 9.2 ამ მუხლის 9.1 პუნქტით გათვალისწინებული პირგასამტეხლო „მიმწოდებელს“ გადასახდელად დაერიცხება აგრეთვე იმ შემთხვევაში, თუ მიმწოდებელი არ გამოასწორებს საგარანტიო პერიოდის განმავლობაში გამოვლენილ ხარვეზს ამ ხელშეკრულებით საგარანტიო პერიოდში გამოვლენილი ხარვეზის გამოსწორებისთვის დადგენილ ვადებში - შესატყვისი ვადის გასვლიდან ხარვეზის გამოსწორების დღემდე ან ხელშეკრულების შეწყვეტის დღემდე, რომელი ვადაც უფრო ადრე დადგება;
- 9.3 „შემსყიდველის“ მიერ ხელშეკრულებით გათვალისწინებული ფაქტობრივად გაწეული მომსახურების ღირებულების ვადაგადაცილებით (არადროულად) გადახდის შემთხვევაში, „მიმწოდებელი“ უფლებამოსილია მოსთხოვოს „შემსყიდველს“ პირგასამტეხლოს გადახდა გადაუხდელი თანხის 0.1% ოდენობით ყოველ ვადა გადაცილებულ დღეზე წინამდებარე ხელშეკრულების შეწყვეტამდე, ან თანხის სრულად გადახდამდე, რომელი ვადაც უფრო ადრე დადგება;

9.4 ხელშეკრულებით გათვალისწინებული ვალდებულებების ცალმხრივად შეუსრულებლობისათვის მხარეებს ეკისრებათ ვალდებულება ანაზღაურონ მიყენებული ზარალი სრული მოცულობით საქართველოს კანონმდებლობით დადგენილი წესით. ზარალის ანაზღაურება ან მისი მოთხოვნა არ აჩერებს ამ მუხლით გათვალისწინებულ პირგასამტეხლოს დარიცხვას.

9.5 „შემსყიდველი“ უფლებამოსილია ფაქტობრივად გაწეული მომსახურების ღირებულების ანაზღაურებისას გამოქვითოს (შეამციროს ანაზღაურება) ამ მუხლით გათვალისწინებული და „მიმწოდებელზე“ დარიცხული პირგასამტეხლოს თანხა „მიმწოდებლისათვის“ გადასახდელი თანხის ოდენობიდან. აღნიშნული გამოქვითვა არ შეიძლება გახდეს „მიმწოდებლის“ მხრიდან „შემსყიდველისათვის“ 9.2 პუნქტით გათვალისწინებული პირგასამტეხლოს დარიცხვის საფუძველი.

## 10. ფორს-მაჟორი

10.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას;

10.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული მათ შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით, ემბარგოს დაწესებით და სხვა. ფორს-მაჟორის არსებობის საკმარის დამადასტურებელ ცნობად მხარეები განიხილავენ შესაბამისი ქვეყნის სავაჭრო-სამრეწველო პალატის მიერ გაცემულ სათანადო ცნობას.

10.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისდა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

## 11. ურთიერთობა მხარეებს შორის

11.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, ხორციელდება საფოსტო გზავნილის ან ელექტრონული კომუნიკაციის გზით ხელმძღვანელობაზე ან /და წარმომადგენლობაზე უფლებამოსილი პირის ან ამ კონტრაქტის ფარგლებში უფლებამოსილი საკონტაქტო პირების (ელექტრონული კომუნიკაციის შემთხვევაში) მიერ. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ელ. ფოსტით (წერილის სკანირებული ვარიანტი) ან ფაქსის გაგზავნის გზით, შემდგომში ორიგინალის მიწოდების პირობით;

11.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება;

11.3 ამ მუხლის პირველი პუნქტის მიზნებისთვის ელექტრონული კომუნიკაციის წარმოების პროცესში პასუხისმგებელი პირის დანიშვნა, საკონტაქტო საკითხების მითითებით ხორციელდება მხარის მიერ წერილობითი შეტყობინების საფუძველზე.

## 12. ხელშეკრულების პირობების შეცვლა და/ან ვადამდე მოშლა

12.1 ამ ხელშეკრულებაში ნებისმიერი ცვლილება და/ან დამატება შეიძლება შეტანილი იქნეს მხარეთა წერილობითი შეთანხმების საფუძველზე;

12.2 შესყიდვის შესახებ ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევისა, ამასთან, ასეთ შემთხვევაშიც დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა;

12.3 ხელშეკრულება შეიძლება ვადამდე მოიშალოს:

12.3.1 მხარეთა შეთანხმებით;

12.3.2 ერთ-ერთი მხარის განცხადებით მეორე მხარის მიერ ხელშეკრულებით გათვალისწინებული პირობების არსებითად დარღვევის შემთხვევაში;

12.4 „შემსყიდველს“ შეუძლია ხელშეკრულება ვადამდე შეწყვიტოს:

12.4.1 თუ „შემსყიდველისათვის“ ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

12.4.2 „მიმწოდებლის“ გაკოტრების შემთხვევაში;

12.4.3 თუ მისთვის ცნობილი გახდება, რომ „მიმწოდებლის“ მიერ მოწოდებული ინფორმაცია ყალბი აღმოჩნდება, რაც წარმოადგენს, „შემსყიდველის“ მხრიდან ნდობის დაკარგვის საფუძველს.

12.4.4 საქართველოს კანონმდებლობით გათვალისწინებულ სხვა შემთხვევებში.

12.5 ამ მუხლის 12.4 პუნქტში მითითებულ შემთხვევებში „შემსყიდველი“ ვალდებულია აუნაზღაუროს „მიმწოდებელს“ ფაქტობრივად გაწეული მომსახურების ღირებულება.

### 13. ხელშეკრულების შესრულების შეფერხება

13.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამოწვევი მიზეზების შესახებ. შეტყობინების მიმდებარე მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით;

13.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

### 14. დავის განხილვა

14.1 ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა მოლაპარაკებების მეშვეობით, შეთანხმებით მოავარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ;

14.2 თუ ასეთი მოლაპარაკების დაწყებიდან 30 (ოცდაათი) კალენდარული დღის განმავლობაში მხარეები ვერ შესძლებენ სადაო საკითხების შეთანხმებას, ნებისმიერ მხრეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს. დავის განხილვა მოხდება საქართველოს კანონმდებლობის შესაბამისად.

### 15. ხელშეკრულების მოქმედების ვადები

15.1 ხელშეკრულება ძალაში შედის მხარეთა მიერ ხელმოწერისთანავე;

15.2 ხელშეკრულების მოქმედების ვადა ამოწურულად ჩაითვლება აღნიშნული პირობების შესრულებისთანავე, მაგრამ არაუგვიანეს 2020 წლის 31 მარტის ჩათვლით.

### 16. ხელშეკრულების სხვა პირობები

16.1 ხელშეკრულება შედგენილია ქართულ ენაზე;

16.2 ამ ხელშეკრულებით გაუთვალისწინებელ შემთხვევებში, მხარეები მოქმედებენ საქართველოში მოქმედი კანონმდებლობის თანახმად;

16.3 წინამდებარე ხელშეკრულებით გათვალისწინებული პირობები შესასრულებლად სავალდებულოა მხარეთათვის და მათი შესაბამისი სამართალმემკვიდრეებისა და უფლებამონაცვლეთათვის. დაუშვებელია წინამდებარე ხელშეკრულებით გათვალისწინებული ვალდებულებების გადაცემა სხვა მხარისათვის მეორე მხარის წინასწარი წერილობითი თანხმობის გარეშე;

### 17. კონფიდენციალურობა და გაუმჟღავნებლობა

მხარეები აცნობიერებენ, რომ სს „საქართველოს სახელმწიფო ელექტროსისტემაში“ დანერგილია ინფორმაციული უსაფრთხოების მართვის სისტემა ISO/IEC 27001 მიხედვით და შესაბამისად, შემდგომ ურთიერთობებში ითვალისწინებენ „სს „საქართველოს სახელმწიფო ელექტროსისტემის“ კონფიდენციალურობისა და გაუმჟღავნებლობის პირობებს“, რომელიც გამოქვეყნებულია ვებ-გვერდზე [www.gse.com.ge](http://www.gse.com.ge) (ჩვენს შესახებ/შესყიდვები/კონტრაქტის პირობები).

### 18. მხარეთა რეკვიზიტები

“შემსყიდველი”:

სს „საქართველოს სახელმწიფო ელექტროსისტემა“  
მის: ქ. თბილისი, ბარათაშვილის ქ. №2  
საიდ. კოდი: 204995176  
ს/ს „თიბისი ბანკი“  
ბანკის კოდი: TBCBGE 22  
ანგარიშის №GE02TB0600000102467636

“მიმწოდებელი”:

შპს „გაგუ“  
ქ. თბილისი, შ. ნუცუბიძის ქ. N217, ბ. 45;  
საიდ. კოდი: 405109519;  
ტელ: 577 45 00 44;  
სს „საქართველოს ბანკი“,  
ბანკის კოდი: BAGAGE22  
ანგარიშის № GE62BG0000000785971100

მმართველთა საბჭოს წევრი

დავით ვარდიანიშვილი

დირექტორი

ირაკლი გაგუა


ფასების ცხრილი:

N	შესყიდვის ობიექტის დასახელება	ტექნიკური აღწერილობა	რაოდენობა (ცალი)	საერთო ღირებულება დღგ-ს ჩათვლით (ლარი)
1	სატესტო მოწყობილობის, „Megger“-ის ფირმის SMRT მოდელის დამოწმება-დაკალიბრების მომსახურების	სრული წონა: 37 კგ სიგრძე: 80 სმ; სიგანე: 55 სმ; სიმაღლე: 35 სმ.	1	14 329,92

„შემსყიდველი“:

სს „საქართველოს სახელმწიფო ელექტროსისტემა“

მმართველთა საბჭოს წევრი  
დავით ვარდიანი



„მიმწოდებელი“:

შპს „გაგუ“

დირექტორი  
ირაკლი გაგუა

---

**ტექნიკური დავალება:**

შესყიდვის საგანი: დაზიანებული Megger SMRT 410 S/N 201403070040, ძირითადი საშუალების კოდი: 103790-ის დამოწმება-დაკალიბრების მომსახურება

დაზიანების აღწერილობა: ხელსაწყოს დაზიანებული აქვს N1 დენური არხის მოდული, შესაბამისად ვერ ხდება ამ არხიდან დენის მიღება.

ხელსაწყოს კომპლექტაციაში შედის:

- Megger SMRT 410 S/N 201403070040 - ძირითადი საშუალების კოდი: 103790 – 1 ცალი
- ლეპტოპ კომპიუტერი - ძირითადი საშუალების კოდი: 017461 – 1 ცალი
- ლიცენზია - „USB დონგლი“ – 1 ცალი
- ლეპტოპ კომპიუტერის ჩანთა - 1 ცალი
- მოწყობილობის ტრანსპორტირების ყუთი – 1 ცალი



„შემსყიდველი“:

სს „საქართველოს სახელმწიფო ელექტროსისტემა“

მმართველთა საბჭოს წევრი  
დავით ვარდიამვილი

„მიმწოდებელი“:

შპს „გაგუ“

დირექტორი  
ირაკლი გაგუა